

四庫全書

史部

欽定四庫全書

欽定八旗通志卷二百九

人物志八十九

忠義傳一

滿洲八旗一
開國至天聰八年共九十一人

謹按昭忠祠列傳久有成編凡仗節死綏之臣得預馨香均登簡牘故自敬謹親王以下凡大臣殁於王事者無不備書以見

聖朝

褒崇之典上至親貴下至偏裨苟能効命疆場無

不流芳百世惟是史家之例凡名臣貴秩別有事跡可徵功業可傳者雖繫馬埋輪捐身鋒鏑皆自為列傳不入忠義傳中蓋執干戈以衛社稷特其大節之一端不足以盡其生平故轉不以忠義標

目也今從其例凡昭忠祠列傳所載已見于宗室王公傳大臣傳者悉不複登惟行事不甚表見名位又非通顯者乃彙列此門以昭闡微顯幽之大義又昭忠祠列傳皆以時代為後先今既為八旗通志全書皆以八旗分編此一門未可互異故今亦以八旗為序以符體例焉

業中額

業中額滿洲鑲黃旗人姓瓜勒佳氏世居訥殷地方其父山燕於

國初率八十人來歸業中額授貝勒護衛癸巳年九月烏喇國貝勒布占泰復行背盟

太祖高皇帝親統大兵往征之布占泰率兵三萬越伏爾哈城業中額奮勇進擊之歿於陣

賞卹如例

阿達海

阿達海滿洲鑲黃旗人姓鈕祜祿氏果毅公額亦都巴圖魯第五子也初管佐領

太祖高皇帝時任二等侍衛兼班領辛亥年冬十二月從大兵征渥集部之虎爾哈路克扎庫塔城有功旋

隨碩翁科洛巴圖魯費揚古征哈達力戰歿於陣

賞卹如例

納爾察

納爾察滿洲鑲黃旗人姓鈕祜祿氏以軍功

賜備禦世職歷任副都統

國初從征烏喇有登城克敵功尋攻沙嶺遇賊來犯
時大兵未集納爾察奮戈獨進遂歿於陣順治元
年追謚果壯

貝和

貝和滿洲鑲黃旗人姓墨爾哲勒氏世居松花江
地方任三等侍衛

國初從大兵征西路擊賊於克爾倫力戰陣亡

恩賜雲騎尉世職

承襲詳見
世職表

巴希

巴希滿洲鑲黃旗人姓富察氏世居納殷地方天
聰元年五月以騎都尉隨多羅大貝勒代善等征

明攻錦州城中敵兵出戰我兵迎擊之復驅入城
巴希與覺羅拜山不待大兵至奮勇先登戰歿於

陣

恩賜二等輕車都尉世職

承襲詳見
世職表

覺羅阿賴

覺羅阿賴滿洲鑲黃旗人

景祖翼皇帝之曾孫也天聰三年十二月

太宗文皇帝征明阿賴率兵五百名往視薊州遇明山海

關步兵五千來援奮勇力戰陣亡

恩賜騎都尉世職

承襲詳見
世職表

尼馬禪

尼馬禪滿洲鑲黃旗人世居馬佳地方即以地名
氏

國初來歸初襲兄赫東額一等男緣事革爵後復授
騎都尉天聰五年七月從

太宗文皇帝征明大凌河明監軍道張春率兵來援尼馬

禪奮勇衝擊被傷身亡

賞卹如例

和托諾

和托諾滿洲鑲黃旗人姓烏爾古宸氏世居木楞
地方天聰初來歸以招阿庫里尼滿地方有功

賜丁壯十戶即將阿庫里尼滿人丁編佐領使統之八年

八月從

太宗文皇帝征大同至沙城力戰陣亡

恩賜騎都尉世職

承襲詳見
世職表

都敏

都敏滿洲正黃旗人姓伊爾根覺羅氏世居董鄂
地方以叅領兼佐領事

國初從大兵征索爾和力戰陣亡

恩賜備禦世職

納海

納海滿洲正黃旗人姓瓜勒佳氏直義公費英東

之子昭勲公圖賴之兄也初任叅領駐防千山累功加騎都尉世職以從征旅順口擊賊陣亡進世職為三等輕車都尉其子古爾漢襲卒其次子古蘇襲積軍功進三等男贈納海如其官

貴三

貴三滿洲正黃旗人姓哲爾德氏世居烏喇

國初以佐領從大兵征索爾和戰歿

恩賜三等輕車都尉世職

承襲詳見世職表

延都

延都滿洲正黃旗人姓錫克特理氏世居松花江
地方任佐領於天命六年三月隨

太祖高皇帝大兵征明瀋陽城奉集堡遇明總兵李秉誠
等援兵力戰歿於陣

賞卹如例

五岱

五岱滿洲正黃旗人任烏喇佐領於天命六年隨

大兵攻輝發戰遼東奪塔思哈橋掌燾士中斃仆
地五代代舉燾前至城下為飛石所中遂歿於陣
孫胡什塔兒任七品官

代蒙阿

代蒙阿滿洲正黃旗人姓賴布氏世居佛阿拉地
方

國初來歸任佐領管理糧餉天命六年隨大兵征遼
東力戰陣亡

賞卹如例

滿達禮

滿達禮滿洲正黃旗人姓納拉氏世居布顏舒護
魯任佐領世職天命六年隨額駙揚古利取瀋陽
克之乘勝進攻遼陽力戰歿於陣子舒書襲

書穆魯

書穆魯滿洲正黃旗人姓瓜勒佳氏世居蘇完地
方任筆帖式天命七年隨

太祖高皇帝征明廣寧至沙嶺力戰歿於陣

賞卹如例

巴雅爾圖

巴雅爾圖滿洲正黃旗人姓伊爾根覺羅氏世居
葉赫地方初以戰功授雲騎尉天命六年從大兵
征明克遼東奪塔思哈橋論功授騎都尉世職十
一年正月從

太祖高皇帝征明寧遠力戰陣亡

賞卹如例

松阿里

松阿里滿洲正黃旗人姓興嘉氏世居貝坤沙秦
地方

國初從征歷有戰功後隨大兵攻查庫塔豁屯力戰
中傷歿

賞卹如例

台弼善

台弼善滿洲正黃旗人姓扎庫塔氏世居噶哈禮
壁翰之鄂里噶山初監遊牧天命三年從大兵征
明攻撫順馬哈達村有功

賞給牛馬四年攻界凡執纛人乘馬被創仆台弼善代執
其纛見一人來犯直入生擒之又從征哈達及豐
濟堡有功我兵遇明兵于哈爾土許衆皆奔潰台
弼善獨冒矢石翼納冷格以出進取平樂堡以第
二人登城克之復

賞給馬匹天聰三年隨大兵征明北京與明經畧袁崇煥

力戰陣亡

恩賜騎都尉世職

承襲詳見世職表

視其秩

賜以金

阿海

阿海滿洲正黃旗人姓博爾濟吉特氏世居烏魯特地方天聰四年二月隨大兵征明攻遵化城越衆先登力戰歿於陣

恩賜騎都尉世職

承襲詳見世職表

瓦爾喀

瓦爾喀滿洲正黃旗人姓薩克達氏世居布爾哈

天聰五年隨

太宗文皇帝征明圍大凌河明監軍道張春率兵來援瓦

爾喀力戰陣亡

恩賜雲騎尉世職

承襲詳見世職表

額爾機根

額爾機根滿洲正黃旗人姓舒穆祿氏英誠武勲
王揚古利之族孫也初以軍功授雲騎尉天聰二
年從大兵征明克錦州城論功加授騎都尉三年
十二月從

太宗文皇帝率兵五百名往視薊州遇明山海關步兵五
千來援額爾機根力戰陣亡八年

恩賜一等輕車都尉兼一雲騎尉世職

承襲詳見
世職表

覺羅喇達

覺羅喇達滿洲正黃旗人天聰三年從

太宗文皇帝征明大敗明兵於都城進攻薊州力戰陣亡

八年

恩賜佐領世職

永襲詳見
旗分志

阿巴泰

阿巴泰滿洲正白旗人姓覺羅氏世居覺爾察地

方

太祖高皇帝時任扎爾固齊兼佐領庚戌年冬十一月隨

額亦都巴圖魯招撫東海渥集部之那木都魯綏
分寧古塔尼馬察四路降其長康果里等十九人
令其家口前行既回兵復擊取雅攬路阿巴泰力
戰陣亡以其子新泰襲騎都尉世職新泰歷陞至
護軍統領亦戰歿自有傳

耶陳

耶陳滿洲正白旗人姓舒穆祿氏世居朱社禮堡
國初來歸

太祖高皇帝遇之甚厚

賜馬三十匹甲三十副裘三十襲及御服等物甚備又以
其居處甚遠

賜角勒地方田百頃令携家口作樓以居焉辛亥年從征
哈達攻其城奮勇先登力戰歿於陣

恩賜輕車都尉世職

承襲詳見
世職表

托栢

托栢滿洲正白旗人姓他塔喇氏世居東安地方

太祖高皇帝時額駙也奉

命守禦東安會賊來犯率兵奮擊敗之追逐餘衆中礮陣

亡

賞卹如例

席爾泰

席爾泰滿洲正白旗人世居董鄂以地為氏

國初隨父綸布率所屬來歸

賜名魯克素編佐領使統之積功晉十六大臣之列授遊

擊世職天命六年從大兵征瀋陽明總兵陳策統
四川兵三萬由黃山渡渾河來援與我軍鏖戰不
退席爾泰隨後軍助戰大敗之追至渾河歿於陣
子拉都襲職後亦陣亡自有傳

西佛

西佛滿洲正白旗人姓他塔喇氏世居查庫木地
方初任叅領於天命六年三月隨

太祖高皇帝大兵征明瀋陽攻其城於正藍旗所轄汎守

遇明兵力戰陣亡

恩賜騎都尉世職

承襲詳見世職表

翁克

翁克滿洲包衣正白旗人任護軍叅領兼佐領於天命六年從大兵征明錦州奮勇力戰陣亡

賞卹如例

西漢

西漢滿洲正白旗人姓董鄂氏父倫布率四百人

來歸

太祖高皇帝賜名魯克素編其屬為佐領西漢襲父職以
功加騎都尉天聰中卓農額駙屬下蒙古有逃去
者西漢追獲盡殲之又從征朝鮮攻靉陽城西漢
偕二十人先登克之進攻三塔力戰歿于陣

恩賜三等輕車都尉以其子鄂碩襲其後鄂碩子費揚古
為寧遠大將軍征噶爾丹有功封一等公追贈西
漢公爵

卓爾糾

卓爾糾滿洲正白旗人姓托科羅氏世居虎爾哈
天命六年

太祖高皇帝統兵往征虎爾哈卓爾糾率衆來歸授備禦
世職天聰三年從大兵征明派運草束遇明兵力
戰陣亡子圖那襲職後亦陣亡自有傳

音達護齊

音達護齊滿洲正白旗人姓伊爾根覺羅氏世居

窪洪萼漢地方初以戰功得騎都尉世職緣事革職天聰四年二月由廢員從大兵征明攻遵化城時第二隊雲梯未至即率三隊雲梯奮勇登城中傷而歿

恩賜原官以其兄安塔慕承襲

代音布

代音布滿洲正白旗人姓他塔喇氏世居扎昆木地方

太祖高皇帝時率子弟及族屬來歸編其衆為佐領即令
統之每出征輒有功所獲馬匹生畜無算累功加
世職至三等子天聰八年以蒙古喀爾喀扎魯特
部落昂安貝勒殺我使者

命阿巴泰台吉等統兵三千征之代音布為前鋒率精銳
五十人馳百餘里遇昂安兵奮擊敗之昂安復引
衆拒戰代音布持矛格鬪身中數十箭仍督兵衝
突卒斬昂安貝勒及其子代音布以傷重遂歿

恩賜一等子世職

承襲詳見封爵表

巴都里

巴都里滿洲正白旗人姓佟佳氏世居馬察地方

初率五百丁來歸

太祖高皇帝以其衆編為佐領令巴都里管理並授為扎爾固齊旋擢都統兼禮部承政以勞績加三等輕車都尉天聰八年五月出征大同攻王家莊城巴都里奮勇督戰遂亡於陣

恩賜三等男以其子卓羅襲後卓羅以功加二等伯追贈

巴都里如其爵

多禮善

多禮善滿洲正白旗人姓吳扎庫氏世居綏分地方初攻北京時分路攻遵化以第三人登城克之論功授雲騎尉天聰八年八月從

太宗文皇帝征明大同奮勇力戰陣亡

恩賜騎都尉世職

承襲詳見世職表

新泰

新泰滿洲正白旗人姓覺羅察氏父阿巴泰在十
扎爾固齊之列兼管佐領事

太祖時巴雅喇部將圖勒申圍寧古塔阿巴泰奉

命攝本翼統領給兵符救之擊敗圖勒申阿巴泰亦被創
卒新泰其長子也從征累功

賜備禦世職天命六年從大兵攻遼陽新泰力戰拔之以
功加授世職為輕車都尉任護軍統領十一年攻

寧遠力戰歿于陣子噶思海襲職

喀爾哈那

喀爾哈那滿洲正白旗人天聰八年八月以驍騎

校隨

太宗文皇帝征明大同戰歿于陣

恩賜雲騎尉世職

承襲詳見
世職表

瑚什布

瑚什布滿洲正白旗人姓瓜勒佳氏世居葉赫地

方天聰八年八月以護軍校隨

太宗文皇帝征明大同克其關廂復奮勇進取大城中礮

身亡

恩賜騎都尉世職

承襲詳見
世職表

額爾碧赫

額爾碧赫滿洲正白旗人姓瓜勒佳氏世居瓦爾

喀地方天聰八年由閑散隨貝勒阿巴泰征大同

攻左衛首先登城歿于陣

恩賜騎都尉世職

承襲詳見
世職表

努三

努三滿洲正白旗人姓李佳氏世居李佳和羅地
方初任佐領天聰八年從征大同隨睿親王多爾
袞畧地至五臺山攻上壘不下王令再攻之努三
使人立雲梯越衆先登被殺王給衣馬收葬之

賞卹銀三百兩

賽音達理

賽音達理滿洲正紅旗人姓鄂托氏世居赫圖阿拉

國初來歸授佐領隨

太祖高皇帝征羅察克烏喇進至江濱遇敵力戰歿

恩賜雲騎尉世職

承襲詳見世職表

岳樂順

岳樂順滿洲正紅旗人任叅領天聰七年六月從貝勒岳托等征明攻旅順口乘船進擊至城下先

登戰歿

恩賜佐領世職

承襲詳見
旗分志

和託

和託滿洲鑲白旗人姓索綽羅氏世居吉林地方
初襲兄納密達陣亡雲騎尉世職

國初隨大兵征烏龍江戰歿于陣其世職以兄羅薩
襲

和羅

和羅滿洲鑲白旗人姓伊爾根覺羅氏世居住渾
以佐領隨

太祖高皇帝屢著戰功尋從額駙揚古利克烏喇進征輝
發力戰歿

恩賜雲騎尉世職

承襲詳見
世職表

積布克達

積布克達滿洲鑲白旗人姓烏蘇氏世居瓦爾喀
馮家村二等男機思哈之弟也

太祖高皇帝時率本屯人越長白山來歸授雲騎尉以壯

丁二百五十人令其專管天命四年從大兵征明

有功

賜三等輕車都尉六年二月隨

太祖高皇帝大兵略明奉集堡守城總兵李秉誠引三千

騎出城駐營遣二百騎來偵我左翼四旗兵與之

遇兩路追擊至山之巔山上有明兵結方陣見我

兵至拔營奔回積布克達尾擊奮射之直抵壕岸

城上發巨礮積布克達中礮而死天聰八年

太宗文皇帝追卹其功

恩賜二等輕車都尉世職

承襲詳見世職表

瑪爾圖

瑪爾圖滿洲鑲白旗人姓扎庫塔氏世居和克佟

吉地方

太祖高皇帝時率百人來歸授佐領使統之又授騎都尉

世職天命六年從大兵征明圍錦州力戰歿于陣

賞卹如例

準泰

準泰滿洲鑲白旗人姓薩克達氏世居吉顏地方
天聰三年由間散從大兵征明取遙城先登拔之
八年八月從

太宗文皇帝征大同率本旗兵別攻一土堡首先登馬克
之至深井力戰歿于陣

恩賜騎都尉世職

承襲詳見
世職表

錫喇巴

錫喇巴滿洲鑲紅旗人世居完顏地方以地為氏
太祖高皇帝時率所部來歸時初編佐領即令管佐領事
在五大臣之列癸巳年從

太祖征富爾嘉齊屢有功哈達西忒庫敵驍將也恃其勇
張弓注矢薄我軍錫喇巴奮身當之被傷歿於陣

恩賜三等輕車都尉世職子噶祿襲順治十二年十二月
世祖章皇帝以錫喇巴在

太祖

太宗時攄忠効力著績行間

賜諡順壯照一品大臣例立碑於墓

阿蘭柱

阿蘭柱滿洲鑲紅旗人姓董鄂氏世居瓦爾喀什
地方

太祖高皇帝初設十扎爾固齊以阿蘭柱為首從征烏喇
時身被重傷不肯退力極顛仆猶奮呼躍起者再

遂戰歿

恩賜三等男世職以其弟布蘭柱襲順治十四年

世祖章皇帝以阿蘭柱効力行間勤勞茂著

賜諡順毅立碑於墓

旺格

旺格滿洲鑲紅旗人姓董鄂氏世居董鄂地方天

命六年三月由閒散隨

太祖高皇帝大兵攻明瀋陽城奉集堡遇總兵李秉誠兵

來援力戰歿於陣

恩賜騎都尉世職

承襲詳見世職表

回三

回三滿洲鑲紅旗人姓瓜勒佳氏世居沾泥父綏

邦額

國初率族人來歸授驍騎校天命六年隨額駙揚古

利取瀋陽大敗明兵乘勝攻遼陽越衆先登戰歿

恩賜雲騎尉世職

承襲詳見世職表

郎格

郎格滿洲鑲紅旗人姓董鄂氏世居董鄂地方初任佐領以功授騎都尉世職任沙爾虎地方遊擊天命六年從

太祖高皇帝大兵征明瀋陽奉集堡總兵李秉誠等率兵來援奮力衝戰歿於陣

恩賜世職為三等輕車都尉

承襲詳見世職表

孫扎齊巴彥

孫扎齊巴彥滿洲鑲紅旗人姓董鄂氏世居董鄂地方以閒散出征累有功天命六年三月從

太祖高皇帝征明瀋陽奮勇進擊歿於陣

恩賜三等輕車都尉世職

承襲詳見世職表

孫嘉泰

孫嘉泰滿洲鑲紅旗人姓董鄂氏世居瓦爾喀什天命六年隨大兵取瀋陽有功進擊明步軍於河橋先登陷陣戰歿

恩賜輕車都尉世職

承襲詳見
世職表

綽內

綽內滿洲鑲紅旗人襲父孟格圖防禦世職天命
十一年隨和碩豫親王多鐸征明擊明兵於寧遠
力戰陣亡

賞卹如例

米拉渾

米拉渾滿洲鑲紅旗人姓董鄂氏世居瓦爾喀什

地方

國初從征每戰輒冒矢石先登屢負重傷卒於軍

恩賜雲騎尉世職

承襲詳見
世職表

機穆庫

機穆庫滿洲鑲紅旗人姓尼馬察氏世居濔野地方

太祖高皇帝時來歸從征瓦爾喀有功授騎都尉世職天

聰元年五月從多羅大貝勒代善等征明攻錦州

城被創卒

賞卹如例

覺羅鄂博惠

覺羅鄂博惠滿洲鑲紅旗人

景祖翼皇帝長兄之曾孫也天聰四年從大兵征明取永

平至沙庫山與據守之蒙古兵拒戰中創歿於陣

恩賜佐領世職

承襲詳見
旗分志

固吉納

固吉納滿洲鑲紅旗人姓洪鄂氏世居尼馬察初

襲其叔瑚球備禦世職天聰四年隨大兵征葉赫
先登戰歿

賞卹如例

塔納喀

塔納喀滿洲鑲紅旗人姓錫克特理氏世居瓜爾
察洪鄂地方初任騎都尉天命六年從征明攻遼
東沿河力戰有功委署遊擊奉

命往取卦泉察已弟家口攜三百口以歸天聰五年七月

從征明大凌河破明監軍道張春兵面被創落三齒得一等賞七年六月隨貝勒岳託等征明旅順口率本旗兵攻城中礮身亡

恩賜騎都尉世職

承襲詳見世職表

瑚爾翰

瑚爾翰滿洲鑲紅旗人姓費莫氏世居布爾哈圖天聰五年七月以佐領隨

太宗文皇帝征明至大凌河大敗明兵明監軍道張春率

衆數萬來援瑚爾翰力戰歿於陣子瑚世禮襲職
孫溫達大學士兼吏部尚書

恩贈瑚爾翰如其官

額德

額德滿洲鑲紅旗人姓完顏氏世居翁果爾和地
方天聰七年六月以護軍校隨貝勒岳託等征明
攻旅順口乘船進擊至城下矢盡奮勇力戰歿於
陣

恩賜雲騎尉世職

承襲詳見世職表

孟魁

孟魁滿洲鑲紅旗人姓鄂濟氏世居烏喇地方

國初隨征董夔擒獲綽什希塔布囊妻及西岱台吉之弟天聰八年從征明至大同攻左衛城與褚庫並登克之叙功

恩賜雲騎尉世職并以蒙古牲口

賜之後任副都統從攻懷來歿於陣

桑固里

桑固里滿洲鑲紅旗人天命六年隨大兵克明遼東授遊擊世職天聰五年從征錦州力戰陣亡八年

恩賜二等輕車都尉世職

承襲詳見世職表

巴岱

巴岱滿洲鑲紅旗人世居完顏地方以地為氏由護軍校於天聰八年八月隨

太宗文皇帝征明大同奪勇進擊陣亡

恩賜雲騎尉世職

承襲詳見世職表

穆什屯

穆什屯滿洲鑲紅旗人天聰七年隨冷格里征明

攻南海島遇敵于鐵山戰歿八年

恩賜佐領世職

承襲詳見旗分志

喀爾護吉

喀爾護吉滿洲鑲紅旗人姓董鄂氏

太祖時為護軍統領

詔以辦事有能不違指使授三等輕車都尉天聰八年我
兵圍錦州敵兵自松山犯我紅衣礮喀爾護吉擁
轟揮兵直前擊之轉戰而歿

詔加三等輕車都尉為二等世職

承襲詳見
世職表

拜蘭

拜蘭滿洲鑲紅旗人姓納蘭氏世居彞巴丹早從
征伐積功授遊擊世職嘗從攻沙嶺城領五佐領

肅越衆先至敗敵有攻天命十一年從

太祖高皇帝征明寧遠未下

命以本旗兵攻覺華島

賞白金百兩

太宗文皇帝即位八旗設十六大臣拜蘭為正黃旗大臣

天聰三年從征明至北京城下奮擊明滿桂黑雲

龍等四總兵軍大敗之七年隨征旅順口與薩穆

什喀並舟先入奮擊岸上兵面及肩脇俱被創復

前進敗其一隊乃大呼孰能超躍先登者吾必以
奏

上并啟之貝勒於是雍舜朱瑪喇超躍登拜蘭率兵繼之
兵少動拜蘭又大呼曰殺敵人整而復入遂克之
乃以破敵有方晉三等男八年十二月奉

命管步兵副都統事率章京四十一兵二千五百往征黑
龍江

太宗諭之曰爾等茲行道遠務直前慎毋憚勞少怠也俘

獲者用善言撫慰飲食甘苦一體共之則無所疑畏而
歸者必益衆且其地人民語音與我國同携之來皆可
為我用攻略時宜語之曰爾我之先世本一國版籍甚
明爾向未之知以是甘於自外我皇上久欲遣人開示
特時有未暇耳今日之舉蓋為爾計也如此諭之有不
翻然歸者乎爾等其勉體朕意大丈夫受委任當輒圖
報稱語云少壯不努力老大徒傷悲若此時不力圖建
豎異日雖悔何益耶隨賜食又

諭曰入略之後或送俘必經由席北綽爾門地為便將來遣人迎及餽糧亦必相待於此處其應略地須鄉導有夏姓武因屯長喀拜從役二人庫魯木圖屯長郭爾敦從役三人及納屯一人適已偕至今俱令其從軍矣爾等可率以往所經路詢即知若彼處已略定此三屯者不可稍侵擾宜令留本處仍諭以爾等輸誠來歸乃使復還故土後宜益恭順倘往來稍間譴責立至矣若所略弗如願則不必留此三屯當盡携來凡器用之屬有

資軍實者亦無使遺棄軍還務結隊而行不可分散爾等其凜遵焉乃

命貝勒薩哈廉杜度都統納穆泰等送至二里外拜蘭按旗分列簡士卒閱器械集諸將宣

勅諭畢遂啟行九年四月拜蘭遣兵部啟心郎額色黑伊木布等疏報收服編戶二千四百八十有三丁口七千三百有二又俘獲婦人子女一百十有六並牲畜皮物無算五月盡克其地携其氓戶而還獻

所俘獲

太宗嘉其出征勞苦即以所俘獲者分賜之叙功進一等

男十年二月以前征旅順口時所被創復潰卒

恩賜三等子世職

承襲詳見
封爵表

布哈

布哈滿洲正藍旗人姓舒穆祿氏世居訥殷江地
方

國初來歸拜常阿等四村人叛布哈率兵定之以所

獲俘來獻論功授輕車都尉世職天命六年三月
隨

太祖高皇帝征明瀋陽攻其城明奉集堡總兵李秉誠等
引兵來援掩襲猝至布哈奮勇爭先力戰歿於陣
以子花山襲職

布噶

布噶滿洲正藍旗人姓舒穆魯氏世居訥音江以
拜常阿等叛統兵平定之俘獲無算叙功授二等

參將世職天命六年隨大兵取瀋陽奮勇爭先戰歿於陣

賞卹如例

富克察

富克察滿洲正藍旗人姓扎拉理氏世居瓦爾喀地方初授佐領於天命六年從大兵征明北京至昌黎縣遇敵奮勇衝擊歿於陣

恩賜三等輕車都尉世職

承襲詳見世職表

勞漢

勞漢滿洲正藍旗人姓他塔喇氏世居扎庫木地
方天命時從大兵攻撫順城以第一人先登克其
城天聰元年從大貝勒濟爾哈朗阿敏征朝鮮攻
義州潛夜登城戰歿

恩賜騎都尉世職

承襲詳見
世職表

名蓋

名蓋滿洲正藍旗人姓瓜勒佳氏世居哈達天聰

三年為護軍從征大同攻朔州繼額爾畢赫以第
二人登城戰歿於城上

恩賜雲騎尉世職子商吉圖承襲以孫查克覃官贈光祿
大夫

布爾機

布爾機滿洲正藍旗人天聰四年從

太宗文皇帝征明圍永平冒火登城克之遂駐永平明山
海關援兵來犯布爾機越衆陷陣力戰歿

恩賜備禦世職子梭爾敏襲

達穆布

達穆布滿洲正藍旗人姓覺爾禪氏大海巴克什之兄也初管武備院事天聰五年七月從

太宗文皇帝征明大凌河與明監軍道張春兵力戰陣亡

恩賜雲騎尉世職

承襲詳見世職表

丹布

丹布滿洲正藍旗人任武備院卿天聰五年從

太宗文皇帝征明園大凌河丹布越衆先登戰歿于陣

恩賜雲騎尉世職

承襲詳見世職表

邁格

邁格滿洲正藍旗人姓瓜勒佳氏世居囊武地方
天聰八年八月從貝勒阿巴泰征大同攻左衛城
奮勇先登戰歿

恩賜雲騎尉世職

承襲詳見世職表

特音珠

特音珠滿洲鑲藍旗人姓完顏氏

國初率衆來歸

太祖高皇帝初編佐領

特命兼管六佐領事授備禦世職歷官副將隨大兵進戰
每著奇功創痕遍體尋以創發卒于多貝襲

彥布禮

彥布禮滿洲鑲藍旗人姓瓜勒佳氏世居瓦爾喀
地方初任佐領兼一騎都尉隨

太祖高皇帝出征屢立戰功授三等輕車都尉天命六年

三月從大兵征明瀋陽力戰陣亡

太祖高皇帝悼之親視殮執其手降

旨優卹其子孫

恩賜二等輕車都尉世職

承襲詳見世職表

圖捫

圖捫滿洲鑲藍旗人姓西林覺羅氏世居汪秦村

父屯泰

國初率其屬來歸

太祖高皇帝以其衆編佐領使統之屯泰卒圖捫襲父職
天聰五年從征明隨五大臣進戰敗明兵於大凌
河明監軍道張春率衆數萬來援圖捫復爭先迎
擊足中火礮不退我師繼進遂破明兵

太宗文皇帝聞其傷足

親臨撫問圖捫奏言臣無妨觀敵勢已怯易於破滅勿以
臣為念是夕卒

太宗深悼惜之

特賜備禦世職子圖顏圖襲雍正二年

勅建昭忠祠祀陣亡殉節諸臣圖捫以庶官當旁列適其

曾孫鄂爾泰任雲南貴州總督以平苗功議叙因
請以議叙之官貤封圖捫得

旨加圖捫內大臣兵部尚書銜給與一品誥封昭忠祠牌
位改書新銜入於大臣之列

愛賽

愛賽滿洲鑲藍旗人姓納喇氏世居葉赫地方天聰五年七月以護軍校從

太宗文皇帝征明大凌河明監軍道張春率兵來援愛賽力戰陣亡

恩賜騎都尉世職

承襲詳見世職表

卓納

卓納滿洲鑲藍旗人姓納喇氏哈達國貝勒萬之

孫也

國初來歸

太祖高皇帝以十五戶人編為佐領使統焉

賜姓覺羅氏天聰五年七月從

太宗文皇帝征明大凌河明監軍道張春率兵來援卓納

身先士卒力戰陣亡六年

恩賜騎都尉世職

承襲詳見
世職表

多貝

多貝滿洲鑲藍旗人姓完顏氏世居完顏地方初

襲騎都尉世職管佐領事天聰五年七月隨

太宗文皇帝征明大凌河明監軍道張春率兵來援多貝

身先士卒力戰陣亡

恩賜三等輕車都尉世職

承襲詳見世職表

懋海

懋海滿洲鑲藍旗人姓通顏覺羅氏世居雅爾湖
地方

國初來歸初從征烏喇摧敵有功天命六年從大兵

征明破明兵於耀州累官授騎都尉兼佐領天聰
六年從征錦州力戰陣亡

恩賜二等輕車都尉世職

承襲詳見
世職表

阿爾岱

阿爾岱滿洲鑲藍旗人姓覺爾察氏世居瑚濟寨
地方碩翁科洛巴圖魯安費揚武第四子也初任
佐領天命六年駐防耀州明兵來犯列陣敗之累
從征伐以功授備禦世職天聰五年攻大凌河城

敵兵突出身先冒矢石衝敵兵遂歿於陣從優

賜卹加世職為三等輕車都尉

承襲詳見世職表

後以子杜爾德

官贈護軍統領

愛門

愛門滿洲鑲藍旗人任佐領天聰七年六月隨貝

勒岳託等征明取旅順口伏兵突出抵戰歿於陣


恩賜佐領世職

承襲詳見旗分志

賽必漢

賽必漢滿洲鑲藍旗人姓呂氏世居葉克舒窪拉
國初來歸從征朝鮮有功授驍騎校天聰八年五月
從大兵攻遼東力戰歿於陣

賞卹如例



欽定八旗通志卷二百九

欽定四庫全書

史部

欽定八旗通志卷二百十一

二百十一

欽定四庫全書

欽定八旗通志卷二百十

人物志九十

忠義傳二

滿洲八旗二
崇德年中共九十三人

訥爾特

訥爾特滿洲鑲黃旗人姓馬佳氏以騎都尉從征
錦州明兵據松杏兩山旌旗壁壘甚盛訥爾特揮
兵奮擊尋征大同攻小石城拔之累遷副都統刑

部侍郎崇德時從大兵南下征山東奉

命攻武定州城堅不可破指揮先登剋日而下後與明吳
總兵戰奮勇深入死之

詔贈三等輕車都尉

承襲詳見
封爵表

務爾格

務爾格滿洲鑲黃旗人姓鈕祜祿氏世居長白山
地方忠義公圖爾格之長子也崇德二年三月從
奉命大將軍恭順王孔有德征皮島率舟師渡海

先入戰歿於陣

恩賜騎都尉世職

承襲詳見世職表

阿哈尼堪

阿哈尼堪滿洲鑲黃旗人姓鈕祜祿氏額亦都巴圖魯之孫也

太宗文皇帝時任侍衛兼護軍叅領於崇德三年十一月從貝勒多鐸前往中後所助和碩鄭親王濟爾哈朗將過北京遇明總兵祖大壽率兵來拒阿哈尼

堪奮勇力戰歿于陣

賞卹如例

朝哈爾

朝哈爾姓鈕祜祿氏果毅公額亦都已圖魯第三

子少隨

太祖高皇帝征討天命六年

恩賜脩禦九年同諾海等八大臣畧明地師旋陞護軍統領崇德三年九月從征明未入關時遇明哨兵追

擊至關生擒蒙古二人獲馬四匹至北京於城北
奪敵紅衣礮遇敵兵百餘人率護軍敗之又敗其
步兵於蘆溝橋

特授為議政大臣

太宗文皇帝特諭云今特簡用爾為議政大臣者因爾一
心為主盡力効忠故耳凡國家要務必抒誠辦理是年
從揚武大將軍多羅貝勒岳託征明由北京抵山
東敗明內營兵至趙北口明兵壞橋拒守我兵不

得渡率兵自河西襲破之又敗河間兵拔任邱縣
出關時獨殿後至太平寨大敗敵人捷

聞以護軍統領兼禮部叅政七年從圍錦州遇城內兵出
戰奮呼衝擊遂歿於陣年四十一歲

太宗聞之甚傷悼諭曰朕本欲用朝哈爾為一等大臣不
意今已戰亡遣大臣迎其靈櫬進城加世職為二等輕
車都尉令其長子格黑里承襲復

賜葬銀五百兩遣官讀文致祭順治十二年十月

世祖章皇帝念朝哈爾忠直贊勸勤勞王事歿於軍旅特加恩卹諡為果壯追贈一品勒碑墓前以昭殊勲焉

巴林

巴林滿洲鑲黃旗人姓瓜勒佳氏世居蘓完地方崇德三年從揚威大將軍多羅貝勒岳託由北京征山東以雲梯攻深州城奮勇先登力戰陣亡

恩賜雲騎尉世職

承襲詳見
世職表

公袞

公衮滿洲鑲黃旗人世居馬佳地方以地為姓初
襲一等輕車都尉世職緣事降為騎都尉崇德四
年七月從曹海沙木什哈征黑龍江擊其將杜俄
臣兵力戰陣亡

賞卹如例

瑯圖

瑯圖滿洲鑲黃旗人姓費莫氏世居薩齊庫地方
兵部叅政伊勒慎子初以驍騎校管佐領事崇德

四年七月隨曹海沙木什哈征黑龍江杜俄臣率
兵四百來援瑯圖力戰陣亡

恩賜騎都尉世職

承襲詳見
世職表

旦岱

旦岱滿洲鑲黃旗人姓伊喇理氏世居葉赫地方
初任護軍叅領崇德元年率護軍取安肅縣城克
之論功授雲騎尉四年三月同鰲拜已圖魯率護
軍沿錦州城馳畧獲馬十四匹羊一百七十隻殺

二十人而還五年十月論功陞騎都尉六年五月
從大兵取錦州以步戰擊明經略洪承疇援兵力
戰陣亡

恩賜一等輕車都尉世職

承襲詳見
世職表

喇都渾

喇都渾滿洲鑲黃旗人姓馬佳氏世居馬佳地方
天聰八年隨大兵征明大同敗敵有功九年大兵
往收察哈爾遺民喇都渾追敵哨卒生擒一人崇

德元年隨和碩英親王阿濟格征明奉命往視山海關形勢即於中後所埋伏當先擊敵生擒執纛一人敵兵來襲我後同席特庫擊敗之追錦州敵哨斬一人又於中後所同努山徼巡遇敵哨生擒一人五年大兵圍錦州隨左翼兵進擊先衆衝入先是其兄龔袞陣亡喇都渾遂承襲其騎都尉世職六年五月從大兵圍錦州同吳拜捉生遇蒙古兵十六人斬其二人力戰而歿

恩賜騎都尉加一雲騎尉世職

承襲詳見世職表

覺羅薩哈連

覺羅薩哈連滿洲鑲黃旗人崇德六年五月由閑散隨大兵征明圍錦州明經畧洪承疇率兵十三萬來援薩哈連奮勇進擊陣亡

賞卹如例

巴吉

巴吉滿洲鑲黃旗人任驍騎校崇德六年五月隨

大兵征明圍錦州大敗明兵明經畧洪承疇率兵
赴援拒敵於松山巴吉力戰歿于陣

賞卹如例

巴圖

巴圖滿洲鑲黃旗人姓瓜勒佳氏世居哈達地方
於崇德八年九月隨和碩鄭親王濟爾哈朗征寧
遠奮勇力戰陣亡

恩賜騎都尉兼一雲騎尉世職

承襲詳見
世職表

固山

固山滿洲正黃旗人姓哲爾德氏世居界凡地方
初任佐領天聰三年從大兵征明過北京於大紅
門步戰登山自上而下擊涿州援兵敗之追殺甚
衆崇德元年十二月

太宗文皇帝大兵征朝鮮次沙河堡東岡

命和碩睿親王多爾袞等分兵從寬甸路入長白山固山
從焉二年正月取江華島奮勇力戰歿於陣

恩賜騎都尉世職

承襲詳見
世職表

阿紐

阿紐滿洲正黃旗人姓寧古塔氏世居和克佟吉
地方以佐領鎮守寧古塔崇德元年十二月從

太宗文皇帝大兵征朝鮮二年二月戰於南漢山城陣亡
賞布帛卹其家

達蘭

達蘭滿洲正黃旗人姓瓜勒佳氏世居蘊完地方

國初來歸天聰三年從大兵征明攻永平遵化城先
登克之八年授佐領崇德元年從征瓦爾喀部所
獲甚衆十二月從

太宗文皇帝征朝鮮二年二月率二十八人乘夜用雲梯
襲南漢山城奮勇前進陣亡論功

恩賜騎都尉世職

承襲詳見
世職表

巴雅爾圖

巴雅爾圖滿洲正黃旗人姓舒穆祿氏英誠武勲

王揚古利之從子也崇德二年二月以空銜侍衛
隨奉命大將軍恭順王孔有德取皮島率兩旗兵
丁進攻以後隊兵回陷於河力戰陣亡

恩賜三等輕車都尉世職

承襲詳見
世職表

書寧阿

書寧阿滿洲正黃旗人姓扎庫塔氏世居噶哈禮
壁翰之鄂里村一等男宜爾格德之族伯父也由
驍騎校兼佐領於崇德三年從揚威大將軍多羅

貝勒岳託證明攻藥城縣值城上火藥燒發率軍
士衝入克其城明軍門盧象昇率兵來援我軍中
特德傳喀二將退走書寧阿復衝入敵陣遂戰歿
崇德五年

恩賜雲騎尉世職

承襲詳見
世職表

和圖

和圖滿洲正黃旗人姓圖色里氏世居黑龍江穆
塔哈崇德三年從貝勒杜度證明攻山東滕縣戰歿

恩賜佐領世職

承襲詳見
旗分志

戶敏

戶敏滿洲正黃旗人姓賴布氏世居佛阿拉地方
崇德三年隨揚威大將軍多羅貝勒岳託征山東
率本叅領兵攻保應城緣堞而上克之又率衆用
雲梯登膠州城復克之以功授騎都尉兼護軍叅
領又隨攻濟寧州城率衆持雲梯先登克之又攻
取首陽縣及順德府克之凡三被重傷

賜號已圖魯加一雲騎尉旋以創潰歿

傅察

傅察滿洲正黃旗人姓鈕祜祿氏世居長白山地方崇德三年從揚威大將軍多羅貝勒岳託征明至山東以雲梯攻滕縣奮勇先登因後無繼者遂戰歿於陣

恩賜騎都尉世職

承襲詳見世職表

烏納海

烏納海滿洲正黃旗人世居察哈爾崇德三年隨
大兵征明戰歿于陣

恩賜騎都尉世職

承襲詳見
世職表

振特

振特滿洲正黃旗人姓伊爾根覺羅氏世居巴爾
達地方崇德四年隨和碩肅親王豪格征明以火
礮擊松山城城堞俱毀明總兵金國鳳死守會日
暮罷攻敵乘夜以繩繫木覆土塞之比明城固我

師進攻先登者不能入振特挺身奮登力戰歿於陣

恩賜騎都尉世職

承襲詳見世職表

阿爾休

阿爾休滿洲正黃旗人姓那木都魯氏世居綏分地方初襲騎都尉後征北京至山東攻濟南府城克之論功加一雲騎尉崇德四年七月隨曹海沙木什哈征黑龍江進擊杜俄臣兵力戰陣亡

恩賜雲騎尉世職

承襲詳見
世職表

戶穆散

戶穆散滿洲正黃旗人姓賴布氏世居佛阿拉地方任武備院卿崇德五年從大兵征明圍錦州攻松山城超躍而上因後無繼者遂歿於陣

賞卹如例

阿福尼

阿福尼滿洲正黃旗人襲佐領職天聰三年同兄

扎福尼從大兵征明至灤州有功授備禦世職晉
叅領崇德六年隨征錦州明經畧洪承疇統兵十
三萬赴援阿福尼越衆衝突身負重傷猶斬將奪
幟遂克明師嗣因被誣罷職越明年承疇來降

上召問兩軍情勢承疇奏言惟一衣黃甲乘花馬者奮矛
衝入衆莫敢撓遂

命諸將各乘馬披甲如初使承疇目識之

上大悅復其官尋以創發卒於家依陣亡例

賞卹

瓦音布

瓦音布滿洲正黃旗人姓伊爾根覺羅氏世居赫門地方崇德元年從大兵征朝鮮取義州城以第二人登城克之六年五月從大兵征明圍錦州隨內大臣宜爾登往擊明經畧洪承疇兵執燾陷陣被傷身亡

恩賜雲騎尉世職

承襲詳見世職表

特穆德格

特穆德格滿洲正黃旗人姓博爾濟吉特氏世居克爾倫地方

國初同噶爾瑪葉爾登率兄弟及部屬來歸崇德六年五月隨大兵征明圍錦州執降明之蒙古戮於城外有訥木奇者乘馬衝入和碩睿親王多爾袞營將行刺迎而擒之相持急遂被害

恩賜騎都尉世職

承襲詳見世職表

鄂退

鄂退滿洲正黃旗人姓納喇氏世居哈達地方
初襲父馬福塔一等輕車都尉兼一雲騎尉
世職從征瓦爾喀所獲甚衆後同吳巴海征
厄勒納鎖厄墨庫倫地方有功授騎都尉世
職崇德六年五月從大兵圍錦州明經畧洪
承疇援兵駐山下鄂退率兵奮勇力戰陣亡

承襲詳見
世職表

邁圖

邁圖滿洲正黃旗人姓納喇氏世居布顏地方以啟心郎為公圖賴叅謀崇德六年五月隨大兵征明圍錦州城明經畧洪承疇率兵十三萬來援邁圖奮勇進擊力戰歿於陣

賞卹如例

阿什譚

阿什譚滿洲正黃旗人姓馬佳氏世居暮章地方

崇德七年從大兵征明圍錦州我前鋒誘擊明松
山兵阿什譚同叅領董阿賴直衝其陣八年取前
屯衛我軍以紅衣礮擊其城阿什譚於城破處奮
勇先登被傷身死順治元年

恩賜騎都尉世職

承襲詳見
世職表

務珠克圖

務珠克圖滿洲正黃旗人姓濟禮氏世居長白山
地方崇德七年十月以護軍校隨奉命大將軍饒

餘貝勒阿巴泰征明八年五月至山東以雲梯攻泗水縣奮勇先登後無繼者遂歿於陣

恩賜騎都尉世職

承襲詳見世職表

赫圖

赫圖滿洲正黃旗人世居黑龍江以閑散從大兵征明由北京至山東有功崇德八年以雲梯攻滕縣先登力戰歿於陣

恩賜騎都尉世職

承襲詳見世職表

特庫殷

特庫殷滿洲正黃旗人姓瓜勒佳氏世居黑龍江地方崇德七年十月隨奉命大將軍饒餘貝勒阿巴泰征明八年三月以雲梯攻新安縣特庫殷繼納哈達以第二人登城因後無繼者遂歿於城上

恩賜騎都尉世職

承襲詳見世職表

弼雅達

弼雅達滿洲正白旗人姓巴雅拉氏世居長白山

地方崇德元年十二月以佐領隨

太宗文皇帝大兵征朝鮮二年二月戰於南漢山城陣亡

賞卹如例

果科

果科滿洲包衣正白旗人姓郭絡羅氏居沾河地
方初累功授雲騎尉天命七年隨大兵征明廣寧
至沙嶺毀其城崇德二年三月從奉命大將軍恭
順王孔有德征皮島奮勇力戰陣亡

恩賜騎都尉世職

承襲詳見
世職表

珠三

珠三滿洲正白旗人姓李佳氏世居扎庫木地方
初任佐領屢從征伐有功崇德二年三月隨奉命
大將軍孔有德攻皮島首先渡海迎敵以後軍失
援力戰陣亡

恩賜騎都尉世職

承襲詳見
世職表

拜音台柱

拜音台柱滿洲正白旗人姓納喇氏烏喇國貝勒
滿泰之孫也初任頭等侍衛崇德二年三月從奉
命大將軍恭順王孔有德征明皮島力戰陣亡議
卹

恩賜雲騎尉世職

承襲詳見
世職表

宏科

宏科滿洲正白旗人姓那木都魯氏世居綏分地
方額駙康武禮之長子也

太宗文皇帝嘉其才授前鋒叅領崇德五年從大兵征明
攻松山城力戰陣亡

賞卹如例

岱滾

岱滾滿洲正白旗人姓他塔喇氏世居扎庫木地
方初從征朝鮮以軍功授騎都尉世職尋隨大兵
征明至山東遇馮太監兵奮擊敗之生擒一人又
同蘓拜督前哨兵遇敵生擒一人殺一人復擊敗

蘆溝橋兵旋遇何總兵軍生擒一人追擊敗之崇德六年五月從大兵圍錦州擊明經畧洪承疇第
三營步兵力戰陣亡

恩賜加一雲騎尉世職

承襲詳見世職表

麥色

麥色滿洲正白旗人姓那木都魯氏世居綏分地方額駙康武禮之次子也崇德七年由叅領隨和碩鄭親王濟爾哈朗攻塔山率本旗兵督戰歿于

陣

賞卹如例

瑚通格

瑚通格滿洲正白旗人姓奇塔喇氏世居長白山
崇德八年以佐領從奉命大將軍貝勒阿巴泰征
明至山東攻臨清城先登戰歿

恩賜佐領世職

承襲詳見
旗分志

拉都

拉都滿洲正白旗人姓董鄂氏世居董鄂地方父
席爾泰由佐領以軍功得騎都尉世職後陣亡自
有傳緣事革世職拉都由閑散隨征北京時由前
哨偵敵斬殺二人征錦州復遇敵哨擒二人斬之
因委署護軍叅領初次取錦州有杏山馬兵拒戰
率所部兵擊敗之三次圍錦州遇松山馬步軍黃
夜督戰悉擊敗之崇德八年九月從和碩鄭親王
濟爾哈朗征明寧遠填壕塹時賊衆襲後旋戈迎

擊戰歿於陣

恩賜雲騎尉世職

承襲詳見世職表

覺羅雍貴

覺羅雍貴滿洲正白旗人崇德七年從大兵征明
圍錦州連敗軍門洪承疇於塔山八年隨征寧遠
進攻前屯衛戰歿

恩賜佐領世職

承襲詳見旗分志

渾達善

渾達善滿洲正白旗人任護軍校天聰四年從大
兵征明克遵化城有功崇德七年十月隨奉命大
將軍饒餘貝勒阿巴泰征明八年三月至薊州與
敵力戰陣亡

賞卹如例

屯岱

屯岱滿洲正白旗人任驍騎校崇德七年隨奉命
大將軍饒餘貝勒阿巴泰征明八年五月至山東

攻克州府奮勇登城戰歿于陣

賞男婦各一口馬七匹

伊明阿

伊明阿滿洲正紅旗人姓他塔喇氏世居安褚拉庫地方崇德五年以驍騎校隨大兵圍錦州用雲梯攻松山城被重傷戰彌厲遂歿於陣

賞卹如例

覺羅蘭泰

覺羅蘭泰滿洲正紅旗人崇德五年以護軍叅領從大兵征明圍錦州攻松山城力戰陣亡

恩賜雲騎尉世職

承襲詳見世職表

龍西

龍西滿洲正紅旗人天聰時為內院大學士崇德七年隨大兵圍錦州在松山擊敵陣亡

恩賜二等輕車都尉世職

承襲詳見世職表

額貝

額貝滿洲正紅旗人姓納喇氏世居哈達地方崇
德六年以佐領從大兵征明圍錦州同前鋒統領
碩翁科洛巴圖魯羅沙擊敵直抵柵門大破之復
同羅沙擊敗松山敵兵七年從征寧遠偕前鋒叅
領等往視塹濠遇敵兵擊敗之又追明哨卒獲三
人斬十五人十月隨奉命大將軍饒餘貝勒阿巴
泰征明八年三月攻薊州城指麾濠邊中礮歿

恩賜騎都尉世職

承襲詳見
世職表

貴穆臣

貴穆臣滿洲正紅旗人崇德八年從貝勒杜度征明至山東攻郟城縣戰歿於陣

恩賜佐領世職

承襲詳見旗分志

納密達

納密達滿洲鑲白旗人姓索綽絡氏世居吉林烏喇地方天聰八年從征明攻雄縣梯城先登崇德元年十一月授騎都尉二年三月隨奉命大將軍

恭順王孔有德攻明皮島首先渡海登岸而戰歿
於陣

恩賜加一雲騎尉世職

承襲詳見
世職表

衮布

衮布滿洲鑲白旗人姓兀扎喇氏世居薩哈連烏
拉地方初為

太宗文皇帝近侍崇德三年隨揚威大將軍多羅貝勒岳
託征明攻藥城縣首先登城歿于陣

賜號巴圖魯

恩賜騎都尉世職

承襲詳見世職表

張泰

張泰滿洲鑲白旗人姓納拉氏世居烏喇地方崇德三年從揚威大將軍貝勒岳託証明以雲梯攻獻縣先登克其城授雲騎尉世職創發卒子賈爾海承襲十六年追叙張泰功加授一等輕車都尉以曾孫查郎阿官

贈光祿大夫大學士

扈習

扈習滿洲鑲白旗人姓趙佳氏世居瑚布察崇德
三年隨貝勒杜度征明攻寧海首先登城因後軍
不至歿於陣八年

恩賜佐領世職

承襲詳見
旗分志

阿延圖

阿延圖滿洲鑲白旗人姓兀扎喇氏世居薩哈連

烏拉薩爾察地方授騎都尉崇德三年隨揚威大將軍多羅貝勒岳託由北京征山東至南皮縣布雲梯登城戰歿

恩賜雲騎尉世職

承襲詳見世職表

塔海

塔海滿洲鑲白旗人姓伊爾根覺羅氏世居長白山崇德三年以佐領從大兵征明攻錦州有功四年隨恭順王孔有德督紅衣礮攻松山戰歿於陣

恩賜佐領世職

承襲詳見
旗分志

穆虎

穆虎滿洲鑲白旗人姓烏蘓氏世居瓦爾喀馮家村地方初授佐領崇德四年七月隨曹海沙木什哈征黑龍江進擊杜俄臣兵力戰陣亡五年叙功

恩賜騎都尉世職

承襲詳見
世職表

多羅岱

多羅岱滿洲鑲白旗人姓兀扎喇氏世居薩哈連

烏喇賓文村地方崇德七年十月隨奉命大將軍
饒餘貝勒阿巴泰征明八年三月以雲梯攻霸州
先登戰歿

恩賜騎都尉世職

承襲詳見
世職表

永威

永威滿洲鑲白旗人姓伊爾根覺羅氏世居長白
山地方崇德三年隨揚威大將軍貝勒岳託征明
山東擊吳總兵步卒同阿克善先入敵陣敗之隨

前往設伏遇敵兵斬二人生擒一人師旋擊通州
河岸兵亦先衆奮擊有功五年從圍錦州敗敵於
松山又敗之於杏山七年復圍錦州敵兵來奪我
紅衣礮同希爾根迎戰大敗其衆又與宜爾德擊
明經畧洪承疇兵連敗之又乘雨擊松山馬軍俱
遁走率本旗兵往塔山夜襲之敵夜犯鑲黃旗汛
地方同宜爾都齊奮擊破其兵八年八月從大兵
征明寧遠同護軍叅領額爾璧赫衝入敵陣十月

攻前屯衛永威以第五人登城中礮歿

恩賜佐領世職

承襲詳見
旗分志

炳圖

炳圖滿洲鑲紅旗人姓納拉氏世居烏喇任叅領

崇德二年三月隨恭順王孔有德攻皮島率水師

渡海奮勇先登戰歿於陣

恩賜佐領世職

承襲詳見
旗分志

猛庫魯

猛庫魯滿洲鑲紅旗人以閑散署叅領事崇德三年從貝勒岳託證明攻望都克其城進擊明總兵祖大弼兵敗之十月圍錦州力戰歿于陣

恩賜騎都尉世職

承襲詳見世職表

察巴海

察巴海滿洲鑲紅旗人姓董鄂氏世居董鄂地方崇德三年十二月隨大兵証明至永平府列梯牌攻城察巴海奮勇先登因後無繼者遂歿於陣

恩賜騎都尉世職

承襲詳見
世職表

羅沙

羅沙滿洲鑲紅旗人姓瓜勒佳氏世居安楚拉庫
天命六年從克遼東授騎都尉世職天聰二年征
多羅特凱旋晉二等輕車都尉三年十二月

太宗文皇帝征明至北京羅沙時為前哨擊明兵二百於
德勝門外斬首五十級獲馬四十六匹晉一等輕
車都尉羅沙性驍勇每出必為前鋒其傾敵也屢

擒敵哨初從征錦州同英親王阿濟格等率兵先
入敗敵從

太宗擊錦州兵出誘戰敵圍我大將覺善奮入助戰復整
陣先進敵執我隊長一人奮掩出之四年又從征
明同土魯什席特庫沙爾虎達捉生擊明哨卒生
擒二人獲馬十七匹五年八月從征大凌河率精
兵二百哨錦州松山一路明兵二千自松山來擊
之斬首百餘級獲其三橐以獻十月又同吐魯什

率各旗官兵一千於錦州松山一路捉生遇明管
隊挾十人執燾奔寧遠悉斬之獲其甲冑馬匹又
奉

指授領燾敗明監軍道張春入其前營十一月

太宗征察哈爾羅沙率精兵前覘踪跡十二月追敵過興

安嶺不及而還途次獲其甲仗駝馬六年五月同

阿山土魯什吳拜率精兵三百捉生至虎喇戶擒

斬詹土謝圖下蒙古五人之奔察哈爾者又率精

兵先大兵三十里進至喀喇莽奈遇察哈爾哨卒
追至益圖斬之復前見敵以五百人圍我留哈遂
率七人鼓譟入敗走之乃遣人奏言甫遇察哈爾
哨卒逐北後無所見度敵大隊已遁去久恐追之
無及於是

太宗自布龍圖旋師至枯橐駐營羅沙還會尋復從畧察
哈爾直入明境同土魯什在大軍前捉生八年二
月率護軍精騎八十廝卒四十往錦州捉生五月

同圖爾格率護軍出邊渡遼河沿張古臺河以屯
保外藩蒙古並扼敵兵

太宗諭之曰敵若來犯者必先侵駐防處蒙古是當從陽
石木河北岸抵張古臺河立營預分隊為二簡精銳令
羅沙等八將統其一圖爾格統其一嘗見一隊合千兵
則覺少數隊分千兵則覺多爾等其先分為二後合為
一且令喀喇沁兵同駐焉敵至則羅沙前擊圖爾格殿
後若自渾河內偏度能追及者乃與之戰若相距遠勿

追擊也倘深入我西拉木輪河則擊之駐防數年敵莫敢犯以累著戰績晉都統

賜名碩翁科洛巴圖魯九年隨墨爾根代青貝勒多爾袞往收察哈爾林丹汗子額爾克孔果爾額哲乘夜進毀長城擊敗明羊房口步兵又敗寧武關哨卒斬十人生擒二人遂毀關入畧代州又擊明遊擊下哨卒四十於黑峯口獲馬三十餘十年奉

命賫書往明喜峯口潘家口還遇明邊外哨卒二十五斬

二十三人生擒二人獲馬十崇德元年六月率
甲士一百十八往躡明邊七月至冷口遇明哨卒
斬三人生擒一人獲馬十五十二月往征朝鮮率
兵三百假為商人夜馳圍其王京朝鮮之副將二
遊擊四備禦六率精兵六千餘迎戰盡破之朝鮮
王棄城走復穿城追四十里至南漢山城有敵兵
將入城復截殺二百餘人城中兵四百餘出迎戰
復擊敗之二年奉

命率前鋒全軍還

盛京三年揚威大將軍貝勒岳託奉

命征明由北京至山東羅沙復隨率四旗前鋒兵屯邊外
五隘口斬四十人生擒三人發其火藥之伏五處
進邊日敗墻子嶺遁騎三百護馬八十六抵北京
明兵五百自城中出設兩伏俱擊敗之斬其千總
一生擒三人獲馬十一明吳總兵率馬步兵八千
來拒蒙古正紅旗察哈爾阿蘭泰者怯戰先遁羅

沙與圖賴以所轄由阿蘭泰道處直入對陣敵乃潰夜襲我前鋒西忒庫營羅沙聞礮聲躡擊之又率四固山前鋒兵追敵哨生擒十九人斬首一百七十七級獲馬一百三十五年晉二等男五年二月往廣寧捉生五月奉

命同吳拜率前鋒兵並每旗侍衛十人由中後所北畧海邊羅沙如命而進羅沙駐西吳拜駐東分兵半沿海搜索大獲資重馬匹斬首二百二十級是月凱

旋既緣事降世職為一等輕車都尉草碩翁科洛
巴圖魯名六年隨和碩鄭親王濟爾哈朗圍錦州
率前鋒兵誘松山之敵兵出輒馳還伏而擊之獲
馬百甲九十明經畧洪承疇軍來戰方覓親隨轄
員於後營突遇敵隊二遂戰會王貝勒統兵至乃
合兵追敗之於城壕復往塔山東捉生擒騎兵一
人仍晉二等男復

賜名碩翁科洛巴圖魯最後隨睿親王多爾袞與洪承疇

三隊兵戰歿於陣

太宗軫悼遣內大臣奠酒七年

卹贈三等子世職子程尼襲順治十二年

世祖章皇帝以羅沙碩翁科洛巴圖魯當

太祖

太宗時據忠宣力懋著武功

賜謚忠毅循一品大臣例立碑於墓

尹布

尹布滿洲鑲紅旗人姓寧古塔氏世居訥殷地方
天聰八年以筆帖式隨薩穆什喀哈霸奇蘭征黑
龍江又隨西特庫吳巴海往追喀木尼哈葉雷並有
功崇德二年授雲騎尉三年隨貝勒岳託征明攻
望都縣同哈爾薩雅薩安巴席巴理穴其城克之
四年加世職為騎都尉七月隨曹海薩穆什哈征
黑龍江獲壯丁三十人進擊杜俄臣兵歿於陣

賞卹如例

薩穆唐阿

薩穆唐阿滿洲鑲紅旗人姓吳扎庫氏世居噶哈里地方

國朝率衆來歸授騎都尉天聰四年隨大兵征明進取永平府毀敵城垛有功授為三等輕車都尉崇德六年五月從大兵攻錦州擊明經畧洪承疇援兵陣亡

恩賜二等輕車都尉世職

承襲詳見世職表

覺羅錫翰

覺羅錫翰滿洲鑲紅旗人

景祖翼皇帝長兄之曾孫也崇德六年五月隨大兵征明

圍錦州同碩翁科洛巴圖魯勞薩擊明經畧洪承疇

三營步兵歿於陣

恩賜騎都尉世職

承襲詳見
世職表

球

球滿洲鑲紅旗人姓董鄂氏世居瓦爾喀什地方

初以白身從征額黑庫倫有功尋征烏喇球與阿
蘭珠等下馬步戰所向無當其鋒者會明總兵毛
文龍部下將佐領兵千餘潛入島內焚掠而去球
率馬兵十八人步兵二十人邀擊盡殲之追逃人
至教漢地方及之同葉臣大破其衆又同雍舜等
攻旅順口麾衆大進遂取之授騎都尉天聰九年
五月以征薩哈連烏喇功加一雲騎尉崇德六年
十月從大兵攻錦州松山杏山城松山總督洪承

疇率兵六千夜犯我營球遂力戰陣亡

賞卹如例

索爾和諾

索爾和諾滿洲鑲紅旗人姓科奇理氏世居阿庫里地方
太宗文皇帝時來歸崇德七年十月隨奉命大將軍饒餘
貝勒阿巴泰征明八年三月用雲梯攻河間府以
第一人先登因無繼者遂戰歿

賜號巴圖魯

恩賜騎都尉世職

承襲詳見世職表

薩爾納

薩爾納滿洲鑲紅旗人姓完顏氏世居完顏地方

於崇德七年十月隨奉命大將軍饒餘貝勒阿巴泰征明八年三月攻河間府先登戰歿

恩賜騎都尉世職

承襲詳見世職表

特穆慎

特穆慎滿洲鑲紅旗人姓科奇理氏世居德爾吉

阿里庫村地方

國初來歸崇德七年十月由閑散隨奉命大將軍饒
餘貝勒阿巴泰征明八年五月至山東用雲梯攻
冠縣首先登城歿於陣

恩賜騎都尉世職

承襲詳見
世職表

喀喇

喀喇滿洲鑲紅旗人姓科奇里氏世居輝發地方
崇德七年十月隨奉命大將軍饒餘貝勒阿巴泰

征明八年五月至山東用雲梯攻冠縣首先登城
奮勇力戰遂歿於陣

恩賜佐領世職

承襲詳見
旗分志

布蘭珠

布蘭珠滿洲鑲紅旗人姓董鄂氏世居董鄂地方
初襲兄阿珠蘭職緣事革職以廢員於崇德八年
九月隨和碩鄭親王濟爾哈朗征寧遠力戰歿於
陣

恩賜騎都尉世職

承襲詳見
世職表

鄂海

鄂海滿洲正藍旗人姓瓜勒佳氏世居囊武地方
父邁格陣亡自有傳鄂海襲職雲騎尉崇德元年
從大兵征朝鮮先登戰歿

賞卹如例

僧錫

僧錫滿洲正藍旗人姓瓜勒佳氏世居沾河地方

隸王府包衣為驍騎校崇德元年隨大兵征明攻
順義縣首先登城克之

賜號巴圖魯授騎都尉世職十二月隨

太宗文皇帝征朝鮮二年二月戰於南漢山城被創歿於

陣

恩賜雲騎尉世職

承襲詳見
世職表

瑚什

瑚什滿洲正藍旗人姓納喇氏世居輝發地方初

任護軍叅領崇德二年三月從奉命大將軍恭順
王孔有德征皮島力戰陣亡

恩賜騎都尉世職

承襲詳見
世職表

翁阿岱

翁阿岱滿洲正藍旗人姓黃佳氏世居貝輝小秦
初襲父達諸護三等男爵天聰九年從霸奇蘭薩
木什哈往征黑龍江有功晉爵二等男崇德六年
隨大兵征明連敗明軍門洪承疇於錦州至松山

敵復集諸師列陣拒戰翁阿岱同鰲拜巴圖魯突
圍入奮勇衝擊被創歿

賜銀一千兩

恩贈一等男

承襲詳見
封爵表

奇圖倫

奇圖倫滿洲正藍旗人姓庫雅拉氏世居興堪地
方

國初來歸因材能授騎都尉崇德六年五月從大兵

圍錦州擊明經畧洪承疇援兵力戰陣亡

賞卹如例

查蘓喀

查蘓喀滿洲正藍旗人姓烏蘇氏世居寧古塔好

學能文

太宗文皇帝命以佐領侍從文館

賜號巴克什崇德七年從大兵征明攻錦州與敵兵戰於

裏紅山陣亡

賞卹如例

色勒

色勒滿洲正藍旗人姓傅察氏世居葉赫地方任
護軍校崇德七年隨肅親王豪格征明攻錦州力
戰歿於陣

賞卹如例

孟健

孟健滿洲鑲藍旗人姓戴佳氏世居哈達地方

國初率旗屬來歸

太祖高皇帝編佐領使統之崇德二年從大兵征瓦爾哈什力戰歿於陣

賞卹如例

佟桂

佟桂滿洲鑲藍旗人崇德三年隨貝勒岳託征明過北京至山東以雲梯攻館陶縣城先登決戰以後軍不至遂歿於陣

恩賜騎都尉世職

承襲詳見世職表

噶布碩

噶布碩滿洲鑲藍旗人姓倉佳氏世居松阿里河

崇德三年八月隨貝勒岳託征明攻靈壽縣越衆

登城戰歿四年

恩賜佐領世職

承襲詳見旗分志

穆鼐

穆鼐滿洲鑲藍旗人姓完顏氏世居完顏地方

國初來歸編佐領使統之崇德四月七月同曹海薩
木什哈征黑龍江杜俄臣率兵四百來援穆爾
勇力戰陣亡

恩賜騎都尉世職

承襲詳見
世職表

羅濟

羅濟滿洲鑲藍旗人初以二等輕車都尉兼管佐
領崇德四年任副都統十一月隨征索倫部落歿
於陣

賞卹如例

哈慕嘉

哈慕嘉滿洲鑲藍旗人姓覺羅氏世居長白山地
方天聰二年大兵征明圍錦州哈慕嘉隨護衛二
十員往截敵路至松山遇敵騎兵十五人斬一人
進圍松山杏山三敗敵兵崇德五年隨和碩鄭親王
濟爾哈朗圍錦州克其外城八月松山馬步兵來
犯我紅衣礮奮擊敗之六年五月明經畧洪承疇

率兵十三萬來援錦州哈慕嘉以步戰破其三營
步兵乘勝奮勇勦殺遂歿於陣七年

恩賜騎都尉世職

承襲詳見
世職表

輝蘭

輝蘭滿洲鑲藍旗人姓舒舒覺羅氏世居阿燕天
聰五年從大兵征明敗監軍道張春於大凌河六年
從征察哈爾入明邊圍大同略五臺山俱克之八
年復從口外入明邊同希爾根殿後兩敗阿爾沙

卷一百一
蘭之兵崇德五年九月敗明兵於杏山六年八月
松山兵來犯輝蘭以紅衣礮擊却之明經畧洪承
疇率三營兵還集力戰歿於陣

恩賜佐領世職

承襲詳見
旗分志

溫察

溫察滿洲鑲藍旗人姓赫舍里氏世居哈達地方
初任護軍校遷署護軍叅領崇德元年從征明自
山東凱旋

恩賜馬匹緞疋銀器有差復從征朝鮮進擊吳蘓明兵中
烏鎗猶以死鬪不少挫迭邀重賞益感奮自効崇
德六年十月從大兵征明錦州攻松山杏山城松山
總督洪承疇出兵六千夜犯我營溫察力戰陣亡
賜卹如例

東阿

東阿滿洲鑲藍旗人姓兀扎喇氏世居葉赫地方
崇德七年十月隨奉命大將軍饒餘貝勒阿巴泰

征明八年五月至山東攻館陶縣首先登城戰歿

恩賜騎都尉世職

承襲詳見
世職表

五達納

五達納滿洲鑲藍旗人姓鈕祜祿氏世居葉赫地方初任護軍叅領崇德七年十月隨奉命大將軍饒餘貝勒阿巴泰征明擊敗白總兵八年三月攻薊州身先士卒力戰陣亡

恩賜騎都尉世職

承襲詳見
世職表

富义

富义滿洲鑲藍旗人以閑散從大兵征明由北京
至山東歷戰有功俱敘列上等崇德八年十月初
八日進攻滕縣城戰歿

恩賜騎都尉世職

承襲詳見
世職表

圖爾哈圖

圖爾哈圖滿洲鑲藍旗人崇德八年五月隨奉命
將軍貝勒阿巴泰征明攻定州城戰歿

恩賜佐領世職

承襲詳見
旗分志

索羅岱克

索羅岱克滿洲鑲藍旗人崇德八年九月以佐領
隨奉命大將軍饒餘貝勒阿巴泰征明至邊境以
雲梯攻牆子嶺力戰陣亡

恩賜雲騎尉世職

承襲詳見
世職表

猛嘉

猛嘉滿洲鑲藍旗人崇德八年以佐領從和碩鄭

親王濟爾哈朗征明攻寧遠奮勇爭擊賊衆圍襲
後猛嘉轉戰歿於陣

賞卹如例

欽定八旗通志卷二百十